



MEMORANDUM

**O SARADNJI IZMEĐU UNIVERZITETA U TUZLI I TRANSPARENCY
INTERNATIONAL BOSNE I HERCEGOVINE**

Pozivajući se na Konvenciju Ujedinjenih naroda za borbu protiv korupcije, u dijelu koji se odnosi na važnost promoviranja učešća civilnog društva i nevladinih organizacija u prevenciji i borbi protiv korupcije i organizovanog kriminala radi podizanja svijesti o postojanju, uzrocima i štetnosti ovih pojava;

Pozivajući se na Strategiju za borbu protiv korupcije u Bosni i Hercegovini, u kojoj je jasno prepoznata važnost saradnje javnih institucija i nevladinog sektora;

Prepoznavši potrebu za uspostavljanjem institucionalizirane saradnje sa Univerzitetom u Tuzli, kao i efikasnih mehanizama koji bi omogućili kontinuiran, aktivan i održiv angažman organizacija civilnog društva u ciklus kreiranja i provođenja politika, s posebnim fokusom na uspostavljanje mehanizama za monitoring i evaluaciju provođenja aktivnosti predviđenih pomenutim strategijama;

Te cijeneći značaj aktivnijeg angažovanja organizacija civilnog društva u različitim aspektima budućih reformskih nastojanja u Bosni i Hercegovini, Univerzitet u Tuzli i Transparency International Bosne i Hercegovine zaključuju

MEMORANDUM

O SARADNJI IZMEĐU UNIVERZITETA U TUZLI I TRANSPARENCY INTERNATIONAL BOSNE I HERCEGOVINE

Član 1.

(Predmet Memoranduma)

Ovim Memorandumom uspostavljaju se mehanizmi saradnje između Univerziteta u Tuzli i Transparency International Bosne i Hercegovine (u daljem tekstu: Ugovorne strane), posebno u oblasti prevencije i borbe protiv korupcije, te osiguranja integriteta i kvaliteta u visokom obrazovanju.

Član 2.

(Načela saradnje)

Saradnja će se ostvarivati kroz načela partnerstva, transparentnosti, odgovornosti i međusobne informisanosti ugovornih strana.

Član 3.

(Oblast saradnje)

(1) Kroz redovnu razmjenu informacija i zajedničke aktivnosti, Ugovorne strane će posebnu pažnju posvetiti:

- a) Kreiranju i usvajanju planova integriteta i načela transparentnosti i odgovornosti, te drugih strateških dokumenata koji za cilj imaju prevenciju korupcije i osiguranje transparentnosti na Univerzitetu;
- b) Organizaciji i učešću u obukama, seminarima, radionicama i drugim specijalističkim modulima obučavanja;
- c) Učešću u istraživanjima koji za cilj imaju mjerenje upoznatosti sa propisima koji za cilj imaju prevenciju korupcije, te mjerenje stavova o postojanju korupcije u visokom obrazovanju.
- d) Prećenju i osiguranju primjene usvojenih načela i dokumenata.
- e) Pružanju ekspertne pomoći i uzajamnoj saradnji u izgradnji i unaprijeđenju kvaliteta visokog obrazovanja u BiH.

(2) Predmet saradnje mogu biti i druge aktivnosti oko kojih se postigne obostrana saglasnost, te u aktivnosti mogu biti uključene i druge institucije i organizacije koje oba partera prepoznaju kao relevantne za ostvarivanje ciljeva ovog memoranduma.

Član 4.

(Pristupanje drugih organizacija civilnog društva Memorandumu)

(1) U slučaju da druga organizacija civilnog društva (u daljnjem tekstu OCD), iskaže interes za pristupanje ovom Memorandumu, o tome se dužna izjasniti u pisanom obliku.

- (2) U zahtjevu je potrebno obrazložiti interes za potpisivanje Memoranduma, te definisati kapacitete za implementaciju predmeta Memoranduma.
- (3) Zahtjev iz stava (2) ovog člana dostavlja se ugovornim stranama.
- (4) Nakon prijema zahtjeva nove OCD u pisanom obliku i davanja izjave o prihvatanju svih uslova sadržanih u ovom Memorandumu, potpisnici ovog Memoranduma mogu omogućiti uključivanje takve OCD kroz potpisivanje aneksa ovog Memoranduma.
- (5) Sadržaj aneksa Memoranduma te modalitete suradnje će definisati Univerzitet u Tuzli, Transparency International BiH i OCD.

Član 5.

(Rješavanje sporova)

- (1) U slučaju eventualnih sporova među potpisnicima ovog Memoranduma u vezi sa tumačenjem, primjenom ili provedbom ovog Memoranduma, potpisnici će se međusobno konsultovati s ciljem iznalaženja rješenja za njihovo prevazilaženje.
- (2) Ugovorne strane zadržavaju pravo da povuku potpis iz ovog Memoranduma, o čemu su dužne obavijestiti druge ugovorne strane, u pisanom obliku, a najmanje dva mjeseca unaprijed.

Član 6.

(Stupanje na snagu)

Ovaj Memorandum stupa na snagu danom potpisivanja od strane Univerziteta u Tuzli i Transparency International BiH.


Tuzla, 20.09.2011.

Za Univerzitet u Tuzli



Prof. dr Enver Halilović, rektor

Za Transparency International
Bosne i Hercegovine



Srđan Blagovčanin, izvršni direktor